

# اِسْتِغْنَا

نومرو ۱۶

بجانبہ

۱ کانون ثانی ۱۳۲۴

پوسته‌لرینک مملکتمزده وجود و معاملهلری هیج برحق عهدی به مبتنی دکلدر و آوستریا به باقهرق روسیه‌نک و روسیه به باقهرق آوستریانک و هرایکیسینه باقهرق اک زیاده نائل مساعده ملت معامله‌سی وعد عهدیسینه دایانه‌رق دیگر حکومتلرک بزده پوسته‌جیلقلری عهداً حقسزلق و تغلبدر .

مسأله‌ی بوجهتدن کسدرنجه «تعامل» نظریه‌سی قارشیسینه قالیرز . اوزرندن زمان کچمش اولمقله برحقسزلغک حق اولمسی حق دکلدر . حدذاتسده برحق انکار دیمک اولمیان مرور زمان بیله صاحب حقک تشبث‌ایله انقطاعه اوغزار . تعامل برچوق دولتلرک بربرینه امثال واشترک و مظامرت ایدرک بر دولت ضعیفه به یوکلنملرندن وشوحرکتده دوام وعنادلرندنمی متشکل ومقبول اولور ؟ بوصورتده تعامل متضررک فریاد واعتراضنه رغماً حق تشکیل ایدرمی ؟ البته ایتمز . مع هذا دولتلر توسل ایده‌بیله‌جک هیج برچاره بوله‌مايخه تعاملی اورته به سوررلر . اجنبی پوسته‌لرینک بزده فصل توره‌یوب چوغالیدیغی ونصل یرلشدیکنی وحکومتله سفارات اجنبیه اره‌سنده بویوزدن حصوله کلن معارضات شدیدیه مقاله آتیم موضوع بحث ایده‌جکندن قارئلم انی اوقودقلرنده «تعامل» ک صورت تشکله دخی تفصیلاتیله آگاه اوله‌جق وبونک حقیقت وسندی نه قدر ضعیف ومردود اولدیغنی ده کوره‌جکلدر .

ابن الضیا

احمد رشید

### سیاست حقیقه و سیاست خیالیه

«سیاست» حقیقی؛ ره آلیست اولمالیدر. «سیاست» خیالی ، ایده آلیست اولمالیدر. ایشه‌ایکی اساسکه بربرینی اتمام ایله‌دکلری وقت صحیح ، آرلدقلری تقدیرده یا کلشدر . یعنی سیاست نه‌ساده‌جه حقیقی ونه‌ده صرف خیالی اولمالی هم حقیقی هم خیالی بولنمالیدر .

سیاست حقیقه احتیاجات موجوده‌دن صدور ایدر . قوانی ، وسائطی ،

استناد کاهلری، مانع لری ایجه موازنه و تقدیر ایلر و انجق موقع فعله چیقہ بیلہ جک غایلهلر تعقیبنه چالیشور . موفقیت حصوله کتیرن بودر . شومعنایه کوره الک بیوک دولت آدم لری ، حقیقیون سیاستدن درلر .

سیاست خیالیه ، بعض اساسلره ، پرنسپلره توفیق حرکت ایدر ، تلقیات خیالیه یی ، بیوک امنیه لری زمان و مکان ایله متناسب صورتده اصلاح و اکمال اتمکله و قوه دن فعله چیقارمغه بذل مقدرت ایلر . بومعنایه نظر آده الک مشهور دولت آدم لری ، خیالیون سیاستدن عد اولونور .

لکن آرلر دینی حالده بویکی اساس هج برایشه یاراماز . منحصرأ حقیقی برسیاست ، غنیف و سرت در . اونک باشلوجه وساطتی ، قابا بر قوت مفترسه ایله مفسد اخلاق اولان یارم دن عبارتدر . بو طرز سیاست ، افکار عالیه دن محروم ، روح سزدر . منافع ماده یه دن باشقه براندیشه یه تابع اولمادیغندن یالکر خود کمالقندن ملهم اولور . بوسیاست ، عادی ، غیر اخلاقی ، غیر انسانی در . ماکیاوه لک نامه نسبتله یاد اولونان سیاست بو قبیلدن در . مع مافیه ماکیاوه لک بیله بر مقصود خیالیسی واردی : اوده ایتالیا نک استحصال آزادسی ایدی .

اوروپا حکوماتنک اسکی مستملکات پولتیقه سی ده سیاست حقیقه دن عد اولونمغه لایقدر . بو پولتیقه ، جرمنفعندن باشقه برشی دوشونم دیکندن عاقبت بتون فتوحات و موفقیتانندن محروم اولدی . اسپانیانک آمریکای جنوبی مستملکاتی بوکا دلیلدر .

مسلک حقیقیون نتایج نافع حصوله کتیره بیلیر ، قدرتی تأمین ، خزان جمع ، مدیران اموری مستفید ایده بیلیر . بعضأ اداره اولونانلر ده عاطل واسوده بر حیات تأمین ایدر . فقط حسیات نخبه یی ، ترقیات فکریه یی و حرینی بوغار . بومسلک ، انسانک جهت حیوانیه سنه تعلق ایدر ، اونک روحنی اونودور . سیاست منافع ، هر شیئی یالکر منافع ماده یه ، مبهم بر خود کمالغه تابع طو تدینی تقدیرده سیاست حقیقه ایله قاریشیر .

لکن صرف خیالی برسیاست ، دها زیاده یا کلشدر . زیرا هج بر نتیجه یه

ایرمن . کندینی طاشیان زمینک متاندندن ، حال مبارزده بولنان قوتلردن .  
غافل اولدینی ایچون هر خطوه ده سنده لر ودوشر وهزیده موانعه قاقیلور .  
بوسیاست کوزلری هواده ، یاقلاشلماز خیالات قوغالار و « غفلت ایله کورمن .  
قوبونی رهکدرنده » .

استقباله عائد یارلاق ، هیجانی افکار عالیله بسله ن سیاست تصویریه  
بوصفدن در . کذلک قرون وسطایی ، صوفی ، رهبانی ، شووالیهلری ، درهک  
قصرلرنی ، مناسترلری احیا ایتمکدن باشقه برشی دوشونمین رومانیک سیاست ده  
بوقبلدن در . آلمانیده بورومانیزمک انواع عیدیه سی مشهود اولدی . رومانیک  
قرالار ظهور ایتدی که حکومت روحانیه ، ونه اودالیه ایچون ابتلا کوستریبور  
لردی . رومانیک طلبلر یتشدی که سیاه ، قرمز و ذهب تخیلاتیه مشهور  
اولیورلردی .

بونایارنک مصر سفرنده ، مدبریکنتک بولونیا ، استرازبورغ تزهلرنده  
تخیلاتک شبهه سزله بیوک برتائیری اولمشدر .

دوات آدمکک تخیله اوزرنده اجرای نفوذ و تاثیر ایده بیلجه جکی درکاردر .  
او ، شکوه و قدرت و حریت تصاویرینی انظارده یارلامق صورتیه قوای ملیه یی  
جانانلدر . لکن کندینی ، رصیف récif لره قارشى بردنبره قیرماق ، پارچه  
لانمق قورقوسیه بونخیلاتدن منع نفس ایدر . ایسته سیاست محس بویه در .  
دوات آدمه عقل ، کمال ، فکر رجلا نه لازمدر . محبت و عداوت ، انتقام  
ودهشت و الحاصل هر محس مفرط اونى قولایلقله ضالته سوق ایدر . اهل  
صلیب محارباتی وجوده کترین سیاست ، حسی اولمقدن زیاده خیالی ایدی فقط  
سائر مذهب منازعاتی ، سیاست حسک برائیدر .

اقوام نمائله آره سنده بیه موجود اولان بی سود و موجب شین اغراض  
عرقیه یی حصوله کترینده سیاست حسدن عبارتدر .

سالم برسیاست ، حقیقی ایله خیالی بی برلشدیر بری اساس دیکری مشعلدر .  
برنجیسی وساطتی بیلدیریر ؛ ایکنجیسی غایه یی کوستریر . آرتیست اولمق ایچون

طبیعتہ قالمق و فکر محاسندن ملهم اولمق لازمدر رافائل ایله میکمل آنز، هم حقیقی و هم خیالی ایدیلر. شکسیرک سرفراز شعرا عد ایدلمسی حقیقت و خیالک ناقابل انقساخ آهنگ تامندن طولاییدر .

پهریقلس ، اسکندر ، سهزار ، شارلمان ، برنجی هازی ( آلمانیانک ) ، بیوک فره دریق، واشینگتون، لورد قائم ، پیت، برنجی ناپولیون، بارون استهین، قاوور کی دهات ، ایکی سیاستک امتراج تامنه تمثال اولمشلردر .

انکلیز سیاستی، جهت حقیقیه به استناد ایتیمی و منافعه اسباع ایله میکی ترجیح ایدر لکن فکر سبز، غایه سبز، روح سبز اولمقدن چوق اوزاقدر. انکلیزلرک حقوق عمومیه و حریت سیاسیه فکرلرینک بتون جهانده حصوله کتیردیکی تأثیر عظیم بوکادیلیدر. فرانسز سیاستی، مسلککنک غایه منوره سی اولمق اوزره اعلان ایتدیکی بر فکر ایچون پک چابوق تهیج ایدر .

اوجنچی ناپولیون « یالکز فرانسزلر درکه بر فکر ایچون مبارزه ایدرلر » دیمشدر. لکن بوسیاستک ده جهت حقیقیه سی وارددر. فرانسزلر طبیعت متیجه لرندن پک حقیقی منافع استحصالی اصلا استحقار ایتمز لر. آلمان سیاستنده آهنگ و توازن دها ناقصدر. بوپولیتقا وقت وقت ره آلیست بر حکومت مطلقه دن مبهم بر ایده آلیرمک خلیالیرنه کچویردی پروسیه سیاستی عاقبت قوای ملیه یی برلشدیرمش، قلبلری اعلا ایله مش ودها بلند وظائف کو سترمشدر. آلمانی اتحادی، آلمان امپراطورلنی بیسمارکک اثری در. اونی پک مکمل برره آلیست، بر سیاسی حقیقی عدایدر لر. فی الحقیقه بیسمارکک قوای موجوده یی تقدیر و حساب و آکا کوره تدبیر اتخاذ ایلمکی هر کسدن اینی بیلدیکی شهه سزدر. لکن کندیسنگ دهاسی عالی فکر واملر، خیاللر اعتبار یله دهه پک زنکین در .

احمد صلاح الدین

